



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXIIII.

urn:nbn:de:hbz:466:1-11453

sem recepit: Tentata est per eosdem gregarios satellites
 Holsatia post receptam Hadeleriam: Sed ibi insigni
 clade accepta repulsi sunt, foemina, vt ferunt, duce pa-
 lustrum virorum. Igitur rebus ibi constitutis, in obse-
 quium regis Danie euocati, per terram Luneburgen-
 sem, perq³ oppidum Dornsen, volutate Hamburgensium
 requisita, transuadârunt in Eisligen. Incolæ palustris
 illius terræ, vel nutu minimo accepto de opprimendis,
 tum apertis cataractis terræ, nullo negotio omnes perdi-
 dissent sine sui sanguinis impendio, iam in luto miserè
 laborantes: Sed fides implenda fuit. Itaque transierunt
 incolumes.

CAPVT XXIIII.

IN Holsatiam venerant, multis dubitantibus quò du-
 cendi: Statim tamen se res aperuit. Rex Danie Io-
 hannes, idemq³ dux Holsatiae, cum fratre Friderico du-
 ce, iam dudum Thietmarsis insinuârunt literas Imperi-
 les, quod subiecti per Imperatorem Holsaticæ ditioni
 dicerentur. Illi verò refragati sunt, ad ecclesiam Bre-
 mensensem se pertinere contendentes. Iam hostilia illis
 principes memorati nunciârunt: & tamen immisissis ora-
 toribus pertentârunt, si sine sanguine dederentur. Euê-
 re qui tranquillitati consulentes, simul etiam diffidentes
 rebus suis, sine ordine aduersus numerosissimos & ordi-
 natissimos hostes, volutati principum facile fuissent as-
 sensi: sed commune refragabatur: nec erat constantia
 obganire. Igitur rex cum fratre, omnibus apparatis, mo-
 nit in Thietmarsiam post principiū Februarij: Peditum
 gregariorum penè sex millia predicabantur eorum qui
 stipendijs militarent: Caterum ex Iulia, Phrisia, Hol-
 satia, ex oppidis & agris, qui accesserant, numerari
 non poterant. Tam certa spe victoria venerant nonnulli,

ut pecuniam comparādis rebus ex praeda secum in zonis
 portarent, vnā cum sigillis, ad dandas literas, vbi pecu-
 nias expendissent. Equites splendidi ex Holsatia, Iutiā-
 que, & omni Dania illo splendore ibant in armis, quibus
 solet ad magnas nuptias properari, omne secum aurum
 in marsupijs ferentes. Accessere nonnulli ex Marchia,
 Luneburgensi, Brunswiccenſig, terris, incertum an se-
 dere miſi à principibus, an sua sorte militantes: Nemo
 dubitabat tantis viribus Thietmarſos protinùs ceſſuros:
 & si ad statariam pugnam ventū fuisset, non erat am-
 biguum. Sperabant multi tum se dedituros homines,
 cū cernerent ante oculos rem apparatam, quā diu cre-
 dere non poterant. Igitur cūctis ex re, & pro temporum
 & locorum qualitate cōstitutis, magno agmine ducunt
 principes in terram hostilem XIII. Februarij: Nam ali-
 quot dies consumpsere in conspectu hostium, expectādis
 copijs quæ confluxerant: simul ut ad spectu suo terrent
 inimicos. Iam ceſſere de aridis terra partibus, quæ ad
 Holsatiam contigua sunt, intrō in terram palustrem
 omnibus suis perductis. Et tamen ea fuit hominum per-
 tinacia cum temeritate, ut in villa Swintberg nuptias
 peragerent, cū primi agminis aduentarent. Ingressum
 incolæ obseruauere ad Hammam, indē perducturos su-
 spicati. Sed cū se ibi aliquandiu ostenderent ingressu-
 ri, ductoribus freti incolis, qui inter ceteros stipendio re-
 gio militarent, ex latere per graminium iter, sub aquis
 latens ducuntur, & vnicum terræ oppidum Meldorp,
 quod ipsum tamen incolæ negligenter communierant,
 cū aliquot indē ictibus tormentorum factis tonuissent
 incaſum, facile occupatur ab ingredientibus. Fugere
 qui poterant: In alios omnis ætatis, ordinis & sexūs, est
 ſeuitum, ut terrore excitato promptius dederentur.

CAPVT